



Broj: 02-11-2166/25-AP-6
Datum: 26.11.2025. godine

Na osnovu člana 25. i 70. Zakona o javnim nabavkama („Službeni glasnik BiH“, broj: 39/14, 59/22 i 50/24), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovića“, broj: 1/22 i 6/23), člana 12. Privremene statutarne Odluke Grada Zavidovići («Službeni glasnik općine Zavidovići», broj: 4 /22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Sanacija lokalne ceste prema naselju Rujnica“, Gradonačelnica Zavidovića, donosi

ODLUKU

Član 1.

Prihvata se preporuka Komisije za javne nabavke, te se Ponuda ponuđača „BN TRANSPORT“ d.o.o. ZAVIDOVIĆI za javnu nabavku radova „Sanacija lokalne ceste prema naselju Rujnica“, sa ukupnom cijenom od 108.950,00 KM (slovima: stotinu osam hiljada devedest otinapadeset i 00/100 KM) bez uračunatog PDV-a, odnosno 127.471,50 KM (slovima: stotinu dvadeset sedam hiljada četristotinesedamdeset jedna i 50/100 KM) sa uračunatim PDV-om, prihvata kao NAJPOVOLJNIJA PONUDA.

Član 2.

Izabrani ponuđač uz ponudu je dostavio dokumentacije propisanu tenderskom dokumentacijom (u ovjerenoj kopiji i originalnu dokumentaciju propisane članom 47. Zakona).

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

O b r a z l o ž e n j e

Odlukom Gradonačelnice broj 02-11-2166/25-AP-2 od 21.10.2025. godine pokrenut je postupak dodjele ugovora za javnu nabavku radova radova „Sanacija lokalne ceste prema naselju Rujnica“, čija procijenjena vrijednost (bez PDV-a) iznosi : 111.040,94 KM.

Postupak se proveo putem otvorenog postupka za koji je dana, 23.10.2025.godine upućeno Obavještenje broj 1374-1-3-232-3-179/25 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 13.11.2025. godine do 12,00 sati dostavljeno je 6 (šest) ponuda, i to ponude sljedećih ponuđača po prijemu prispjeća: 1. „IKAN“ d.o.o. ZAVIDOVIĆI; 2. „HAJDIĆ“ d.o.o. MAGLAJ; 3. „BN TRANSPORT“ d.o.o. ZAVIDOVIĆI; 4. „DOBOJPUTEVI“ d.d. DOBOJ JUG; 5. GTPD „POROBIĆ“ d.o.o. ZAVIDOVIĆI i 6. MG V GRADNJA“ d.o.o. ZAVIDOVIĆI.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije o čemu je sačinila Zapisnik o otvaranju ponuda broj: 02-11-2166/25-AP-2 od 13.11.2025. godine i Zapisnik o ocijeni ponude broj: 02-11-2166/25-AP-3 od 14.11.2025. godine.

Nakon utvrđivanja sadržaja svih podnesenih ponuda, Komisija je utvrdila da su sve ponude blagovremene.

Da su ponude Ponuđača „IKAN“ d.o.o. ZAVIDOVIĆI; „HAJDIĆ“ d.o.o. MAGLAJ; „BN TRANSPORT“ d.o.o. ZAVIDOVIĆI; „DOBOJPUTEVI“ d.d. DOBOJ JUG; i MG V GRADNJA“ d.o.o. ZAVIDOVIĆI formalno ispravne i tehnički zadovoljavajuće, jer sadrže sve priloge tražene kao u sadržaju navedenom u tenderskoj dokumentaciji predmetne javne nabavke.

Ponuda GTPD „POROBIĆ“ d.o.o. ZAVIDOVIĆI je nepravilna jer nije sačinjena u skladu sa uslovima iz Tenderske dokumentacije broj: 02-11-2166/25-AP-3 od 21.10.2025. godine te je ista odbačena u skladu sa članom 68. stav 4 tačka i) Zakona o javnim nabavkama.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača, te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 20.11.2025. godine, Komisija za javnu nabavku Grada Zavidovića dostavila je Dopunu zapisnika o pregledu i ocjeni ponuda nakon E-aukcije, broj: 02-11-2166/25-AP-4 od 24.11.2025. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	„BN TRANSPORT“ d.o.o. ZAVIDOVIĆI	108.950,00 KM
2.	„HAJDIĆ“ d.o.o. MAGLAJ	108.958,06 KM
3.	„DOBOJPUTEVI“ d.d. DOBOJ JUG	110.459,79 KM
4.	„IKAN“ d.o.o. ZAVIDOVIĆI	110.838,57 KM
5.	„MG V GRADNJA“ d.o.o. ZAVIDOVIĆI	111.013,94 KM

Ponuda ponuđača „BN TRANSPORT“ d.o.o. ZAVIDOVIĆI u postupku javne nabavke radova „Sanacija lokalne ceste prema naselju Rujnica“, sa ukupnom cijenom od 108.950,00 KM (slovima: stotinu osam hiljada devet stotina pedeset i 00/100 KM) bez uračunatog PDV-a, odnosno 127.471,50 KM (slovima: stotinu dvadeset sedam hiljada četristotina sedamdeset i jedna i 50/100 KM) sa uračunatim PDV-om, je ponuda sa najnižom cijenom, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.

Cijeneći pravilnost provedenog postupka dodjele ugovora o javnoj nabavci radova „Sanacija lokalne ceste prema naselju Rujnica“, te datu preporuku od strane Komisije za javne nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnicima u postupku
2. U spis.

Akt pripremila:

(Sanela Mulahasanović)

Akt pregledao:

(Midhat Bajramović)

Akt pregledao:

(Nermin Čahtarević)

GRADONAČELNICA

mr. iur. Erna Merdić Smailhodžić